



Plata dla Ploania Antermëia Sant'Antone Abat

Ploian: **siur Klaus Sottsass**
E.mail: klsottsas@rolmail.net

Tel. 344 1554055



Ann **A** **20.09.2026 - 27.09.2026 - 25. domënia ia por l'ann** **n. 43**

Invidia contra bunté

📖 **Is 55, 6–9 | Fil 1, 20ad–24.27a | Mt 20, 1–16a**

Dal Vangele do San Mt 20, 1–16a:

Te chël tēmp ti à Gejù cuntè a sù discepui chēsta parabola: ¹Cun le rēgn dl cil éra sciöche cun n patrun de n avēi, che s'un é jü dadoman adora demez da cíasa, a tó sō oras por súa vigna. ²Al é gnü a öna cun i oras sön un n denar al dé y al i à condüt te súa vigna. ³Dala terza ora él indô jü söl marcé, y n'à odü d'atri dailò che n'à degun laür. ⁴Al ti à dit: Jide inçe os te mia vigna! I ves darà ci che é iüst. ⁵Y ai é jüs. Dala sesta ora y dala nona ora é le patrun dl avēi indô jü söl marcé y à fat le medemo. ⁶Canch'al é jü dala önejima ora ciamò n iade, n'al indô urté de chi che stô dailò incërch. Al ti à dit: Cî stēise pa döt le dé incërch a ne fà nia? ⁷Ai à respognü: Al n'é stè degügn che s'à tut sō. Dailò ti àl dit: Jide inçe os te mia vigna. ⁸Canch'al é gnü da sēra, à le patrun dla vigna dit a so aministradù: Chërda i oras y paii fora le paiamënt, meton man dal ultimo cina al pröm. ⁹Al gnô chi che é gnüs tué sō dala önejima ora, y vignun à ciafè n denar. ¹⁰Canch'al é rové pro i pröms, minâ chisc de ciafè deplü. Mo inçe chi à mâ ciafè n denar porom. ¹¹Dailò ài metü man da se lascè sō contra le patrun ¹²y dijô: Chisc ultimi à mâ laurè öna n'ora, y tö i as tratè anfat sciöche nos; nos deperpo ùn suportè döt le dé le pēis dl laür y le cialt. ¹³Mo le patrun ti à respognü a un de chi: Amì, al ne te vëgn fat degun tort. Ne n'este nia gnü a öna cun mè sön un n denar? ¹⁴Tol tü scioldi y vätun! Iö indere ô ti dè al ultimo tan co a té. ¹⁵Ne poi nia fà ci ch'i ô cun ci che é mi? O este invidius, deach'i sun bun cun i atri? ^{16a}Insciö sarà i ultimi i pröms y i pröms i ultimi.



ATLAMAZIUN

Signur daüresse le cör, ch'i ascutunse
les parores de to Fi. Alleluia.

📖 **Letöres dla 26. domënia ia por l'ann:**
Ez 18, 25–28 | Fil 2, 1–11 | Mt 21, 28–32

Edema liturgica dai 20.09. ai 27.09.2026

2026	Ora	Mëssa
25. domënia ia por l'ann 20.09.2026 <i>Andreas Kim Taegon, Paul Chong Hasang y compagns, Stachio</i>	9:30 10:00	Corona S.Mëssa por la comunité <i>Siur Degan</i> aniv. + Katharina Flenger aniv. + Angela Prousch Schanung aniv. + Linda y Pire Sottrovish ++ Paul, Clara y Edith Prousch
LÖNESC – 21.09.2026 <i>festa de San Mateo apostul y evangelist, Debora</i>		<i>19.00 - S.M. a La Plî</i>
MERTESC - 22.09.2026 <i>Maurizius y compagns, Tomesc, Jonas</i>	7:30	S.Mëssa aniv. + Maria Irsara
MERCUI - 23.09.2026 <i>Pio da Pietrelcina (Padre Pio), Tecla</i>		<i>7.30 – S.Mëssa a Lungiarü</i>
JÖBIA - 24.09.2026 <i>Rupert y Virgile, Hermann</i>		<i>7.30 – S.Mëssa a Rina</i>
VËNDRES - 25.09.2026 <i>Nikolaus da Flüe, Gottfried</i>		<i>7.30 - S.Mëssa a La Val</i>
SABEDA - 26.09.2026 <i>Cosmas y Damian, Paolo VI.</i>		<i>18.00 – S.Mëssa a Al Plan</i>
26. domënia ia por l'ann - 27.09.2026 <i>de mondial dai migranc y profugs Vinzenz de Paul</i>	9:30 10:00	Corona S.Mëssa por la comunité <i>Siur Iaco</i> por fam. de Roland Rubatscher aniv. + Heinrich Irsara aniv. + Milia Tasser + Maria Clara Dapoz + Sepl Graffonara



Informaziuns y terminns

Invit ala **Mëssa en recort de siur Heinrich Videsott** incö domënia, 20 de setëmbër, dales 14.30, tla dlijia da La Val cun siur Klaus Costabiei y le cor de dlijia da La Ila.

KMB – L’uniun ëi dl decanat Val Badia inviëia düc i ëi y jogh da to pert ala **prozesciun cun linternes** en vëndres ai 25 de setëmbër 2026 dales 19.30 **dala dlijia de Badia sö Oies**. Recordesse da ves to para na linterna o na ciandëra.

Le **KVW Lungiarü** inviëia al referat **“Hirn- und Gedächtnistraining”** cun Richard Kammerer (insegnant de computer en ponsiun) en mercui, ai 23 de setëmbër, dales 19.30 tl salf de paisc. Al portará dant eserzizi y tips por mantigní via la memoria.

La **Uniun de San Vinzenz** inviëia düc al peregrinaje a **Weissenstein**, en jöbia, ai 24 de setëmbër, che pëia ia da Longega dales 8.25, cun siur degan Klaus Sottas, che dijará ince la Mëssa laia. Por la marëna fistidiëia vignun instës, por le bus él da paié 25 euro. An rovará indô a Longega incër les 18.00. Al é da s’anunzié cina ai 22 de setëmbër pro Angela 338 24 30 045.

La **Uniun Ladins Val Badia** inviëia ala presentaziun dl roman "Anterlöm" de Samuel Debon tla stüa dl Ciastel de Tor en jöbia, ai 24 de setëmbër, dales 19.00, tla cornisc musicala de Ines Tavella. "Anterlöm" é na storia ambientada a Badia ala fin dl 19ejim secul, che cunta la vita di trëi jogh Matî, Jan y Tina y atoca temesc universai sciöche l’amizizia, la familia y le pëis dles convenziuns soziales.

COMUN - Racoïöda refodam da tosser tl magazin di stödafüc a Antermëia en dedolönesc, 22.09.2026 dales 10.00 ales 11.00.

	22.09.2026	Melissa - Maximilian
	27.09.2026	Karol – Julian - Samira - Marie
	27.09.2026	Verena Winkler

Impressum:

Comunicaziuns:

Download:

Ploania Antermëia - redaziun Carlo Piazza
cina la jöbia sëra a carlo.piazza@hotmail.com | o tel. 3803520465
www.unitepastorala.org | www.comun.sanmartindetor.bz.it



*Der Herr lehrt uns,
gemeinsam für unsere Brüder
zu beten. Denn er sagt nicht:
„Mein Vater im Himmel“,
sondern: „Vater unser“,
damit unser Gebet wie aus
einer Seele für den ganzen
Leib der Kirche eintrete.*

Johannes Chrysostomus